

唐尚書省郎石柱題名考

唐尚書省郎官石柱題名考卷十三

仁和勞格著  
趙鉞歸安丁寶書編次

度支郎中

唐六典戶部尚書其屬有度支郎中一人從五品龍朔二年

改為司徒大夫掌支度國用租賦少多之數物產豐約

之宜水陸道路之利舊書新書同作從五品上

石韋慶儉  
皇甫亮  
竇德明  
高祐  
士義愬

裴思莊  
杜文紀  
張知審  
裴孝源  
楊弘文

崔思約  
元大士  
張宏濟  
李安期  
虞昶

孔仲思

鄭欽文

高正業

崔元譽

裴昭

唐嘉會

李守一

閻元通

崔神基

錢元敬

尉大亮

孔惠元

楊再思

張元觀

崔口嗣

鄭從簡

薛會

劉希逸

源光譽

韋銑

王景

杜元志

王詢

賀蘭務溫

李撝

杜佑

房山

劉昂

裴眺

魏啟心

李融

呂周

李舒

司馬垂

張曉

崔玕

李逢年

李光烈

崔同

韋損

源休

崔漪

褚長鸞

許鳴謙

王礎

裴乾貞

夏侯審

鄭膺甫

張正甫

高弘簡

崔公信 王長文 裴訓 令狐定 王孟堅

杜寶符 苗愔 李敬方 薛褒 蕭繼

杜陟 馮亥 崔罕 楊師復 張權

任憲 薛干 崔鐔 趙璘 李平

竇璠 李近仁 林滋 高齡 張旼逸

裴澈 李羽 歸仁紹 杜致美 楊釗

盧會昌 元友直 李諒 裴倩 包佶

韋叔夏 許康佐

補遺 韋雲平 趙宏安 崔仁師 韋暉 狄仁傑

李恣 韋玄泰 柳明肅 崔玄之 尹正義

宋庭瑜 賀拔延嗣 韓朝宗 董琬 韋仲昌

第五琦 元載 劉晏 于頔 杜寂

蘇弁 于頔 韓泰 敬寬 李素

崔光 董溪 張仲方 韋弘景 薛公幹

趙佶 袁德師 盧商 盧弘止 盧弘宣

張復魯 劉濛 韋宙 薛能 孫奭

魚旼 王冲之 辛道瓘

附存 白雲簡 李珣

唐尚書省郎官石柱題名考卷十三

韓慶儉

舊韓雲起傳弟慶儉事隱太子不詳歷官

新城

公房失載

格崇世系表雲起弟

雲平度支郎中官與此合疑卽是

皇甫文亮

趙本作高王本又度外文亮

新表皇甫氏資建二州刺

史珍義子文亮高陵令

白氏文集

七

唐銀青光祿大

夫太子少保安定皇甫公墓誌銘曾祖文房高陵令

考世

系表文亮弟文房黃門侍郎姓纂同蓋俱誤互易其弟兄官位也

舊文苑

中

郭正一

傳儀鳳中高宗召侍臣問以禦吐蕃之策給事中皇甫

文亮等以嚴守爲便

舊吐蕃傳同

寶德明

見考中補

舊書外戚傳失載

新傳同

高祐 無考

士義 忽見戶中

裴思庄 無考

杜文紀 見勳中

張知審 舊良吏傳 下蒲州河東人徙家于岐明經擢第

調露後歷臺省天授後歷十一州刺史 新傳字匪躬

幽州方城人徙家岐調露時監察御史裏行歷十一州

刺史

裴孝源 見吏外

楊弘文 新表楊氏越公房隋萬年令蒼山公岳子宏文

駕部郎中

崔思約 新表鄭州崔氏隋黃門侍郎君肅子思約和州

刺史

元大士

見考外

張宏濟

又洞外

李安期

又主外

新表漢中李氏禮部侍郎宗正卿安平文

公百藥子安期相高宗 舊傳貞觀初累轉符璽郎預

修晉書成除主客員外郎永徽中遷中書舍人

新傳畧同

虞昶

舊虞世男傳子昶官至工部侍郎

新傳同

新來濟

傳虞世男子昶無才術歷將作少匠工部侍郎主工作



孔仲思 見左中

鄭欽文 無考

高正業 新表渤海高氏太宗高宗相馮子正業中書舍

人 舊高季輔傳子正業仕至中書舍人坐與上官儀

善配流嶺外 新傳署同

崔元譽 新表清河大房崔氏太子洗馬世濟子元譽湖

州刺史 吳興志郡守題名失載

裴昭 新表東眷裴氏道護後洛州刺史諡定懷節子太

僕少卿皓弟 見吏中 昭太府少卿 權德輿唐故朝議郎

使持節温州諸軍事守温州刺史充靜海軍使賜緋魚

裴河東裴府君希先神道碑銘曾祖昭歷司門度支二郎

中衛尉太府二寺卿銀青光祿大夫集賢校文穆員

河南少尹裴公濟墓誌銘高祖懷節皇朝洛州刺史生

太府少卿昭文苑英華九百四十三

唐嘉會 新表唐氏禮部尚書特進莒國公儉子嘉會洋

州刺史 京兆金石錄有唐殿中監唐嘉會碑實刻業編九

李守一

閻元通鐵案疑是元達 新表閻氏工部尚書大安公立德子元

達司農少卿澤州刺史 舊閻立德傳子元達官至司

農少卿

崔神基 又度外金中 新表南祖崔氏御史大夫義玄子 見左中補

神基相武后 舊崔義玄傳子神基襲爵清邱縣公長

壽中為司賓卿同鳳閣鸞臺平章事 新傳同

錢元敬 無考又倉外 又

尉大亮 無考

孔惠元 新表下博孔氏國子司業志元子 新傳單作志 惠元

國子司業 孔氏祖庭廣記 六世系別錄惠玄三十四

代國子司業洪州都督 新書儒學上 孔穎達傳孫惠

元又為司業擢累太子諭德

楊再思 見東外補二傳失載

張元觀無考赤城志八萬歲通天元年至聖歷二年台州

州刺史張元翟疑卽元觀之誤

崔口嗣疑是敬嗣新表博陵三房崔氏儀表子敬嗣房

州刺史又南祖崔氏壽安尉方子敬嗣太子詹事時代不合舊崔光遠傳祖

敬嗣則天初爲房州刺史中宗爲廬陵王安置在州官

吏多無禮度敬嗣獨以親賢待之供給豐贍中宗深德

之及登位有益州長史崔敬嗣既同姓名每進擬官皆

御筆超拜之者數四後引與語始知誤寵訪敬嗣已卒

舊良吏下張知審傳中宗安置房州制約甚急知審

與董元質崔敬嗣相次爲刺史皆保護供擬豐贍新傳署同

新傳中宗在房州吏多肆慢不爲禮敬嗣爲刺史獨盡誠推奉儲給豐衍帝德之及反正有與敬嗣同姓名者每擬官帝輒超拜後召見誤非是訪真敬嗣已死

鄭從簡

外見左

薛會

長安志

入

唐京城二朱雀街東第四街勝業坊街

北之東銀青光祿大夫薛繪宅

繪兄弟子姪數十人同居一曲姻黨清華冠冕

茂盛坊人謂之薛曲

劉希逸

外見戶

源光譽

又御史臺殿中題名

新表源氏涇州刺史修業子光譽戶

部侍郎

舊源休傳京兆尹光與之子與字誤

韋銑 新表韋氏彭城公房清河令珣子銑魏州刺史河

北採訪使 舊裴寬傳景雲中為潤州參軍刺史韋銑

新傳作韋引為按察使判官 李華潤州鶴林寺故徑

山大師碑銘開元中潤州刺史韋銑灑掃鶴林斯一作茲

焉供養又苑英華八

王景 又御史臺監察題名 舊王緯傳祖景司門員外郎萊州刺史

太原人 新表琅邪王氏光祿卿方則子景蘭州刺史

杜元志 見考中 金外

王詢 無考

賀蘭務溫 又主

宋劉道醇五代名畫補遺延和元年壬

子歲王志愔爲汴州採訪使奉詔毀拆治內無額祠廟  
建國寺金像面現白毫金相瑞光上燭于天時王志愔  
郎中賀蘭務溫錄事焦立功具實聞奏

李撝 新表蔡王房文春子撝左武衛兵曹參軍 舊書

宗室傳先天中雍州長史新興王晉坐附會太平公主  
伏誅僚吏奔散惟司功李撝步從不失在官之禮姚崇  
擢爲尙書郎後官澤州刺史

杜佑

又金中

新表襄陽杜氏希望子位弟

見勳外

佑字君卿

相德順憲三宗

元和姓纂佑左僕射平章事司徒岐公太保致仕

舊傳以蔭

入仕白金部郎中水陸轉運使改度支郎中兼和糴等

使時方軍興餽運之務悉委於佑遷戶部侍郎判度支

新傳 舊德宗紀上建中二年十一月乙亥以江淮轉

運使度支郎中杜佑代判度支戶部事 會要八十建

中二年十一月度支郎中杜佑兼御史中丞江淮水陸

運使 權載之文集十岐國公杜公淮南遺愛碑銘自

容州刺史經畧使入為金部度支二郎中復兼中丞超

拜戶部侍郎 又二十杜公墓誌銘自度支郎歲中拜

小司從

房由見戶外 又祠外 新表河南房氏申度支郎中疑

劉昂見左外 考中補



裴眺

見金中又祠外

魏啟心

唐會要

七十

神龍二年才膺管樂科魏啟心及

第

緯畧

杜甫壯遊詩斯文崔魏徒

崔鄭州尚魏豫州啟心

以我

似班揚

杜工部集七

李融

見戶外

呂周

見金外

李舒

又祠外又御史臺左側又右側侍御兼殿中題名

新表隴西李氏丹陽房

屯田郎中荆府長史元綜子舒工部郎中

司馬垂

見戶外又祠外

張曉

又御史臺監察又右側侍御兼殿中題名

舊忠義

下張巡傳兄曉開元

中監察御史以文行知名

新傳兄曉開元末位監察御史以名稱重一時

崔其

見吏中考外補

權德輿崔公神道碑銘自侍御史遷考功

員外郎度支吏部二郎中商常二州刺史

權載之文集十七

李逢年

又主外

新表趙郡李氏東祖房汴州長史昕子逢

年司農卿

紀聞殿中侍御史李逢年自左遷後稍進

漢州雒縣令逢年有吏才蜀之採訪使常委以推案逢

年妻中丞鄭昉之女情志不合去之

太平廣記二百四十二昉見吏中

容齋三筆

二十饒州紫極觀鍾刻曰天寶九載歲次庚

寅二月庚申朔十五日癸酉造通直郎前監察御史貶

樂平員外尉李逢年銘前鄉貢進士薛彥偉述序給事

郎行參軍趙從一書中大夫使持節鄱陽郡諸軍事檢校鄱陽郡太守天水郡開國公上官經野妻扶風郡君韋氏奉爲開元天地大寶聖文神武應道皇帝敬造洪鍾一口

李光烈

祠中補有  
庾光烈

崔同

又主  
外

新表南祖崔氏禮部尙書翹子

見封  
外

同大理

少卿

又清河大房崔氏求言子同博州刺史

韋損

又倉  
中

舊李光弼傳乾元二年李光弼議自東京移

軍河陽判官韋損曰東京帝宅侍中何不守之光弼曰若守洛城汜水嶢嶺皆須人守子爲兵馬判官能守之

乎新傳  
畧同

新書地理志潤州丹陽縣有練塘周八十里

永泰中刺史韋損因廢塘復置以溉丹陽金壇延陵之

田民刻石頌之 李華潤州天鄉寺故大德雲禪師碑

刺史韋公損奉善逝甚深之旨行菩薩廣大之慈

文苑  
英華

八百六十一

永泰二年

李華潤州丹陽縣復練塘頌永泰元年

王師大翦西戎生人舒息詔公卿選賢良先除二千石

以江南經用所資首任能者是歲十一月二十三日拜

前常州刺史京兆韋公損爲潤州聲如飈馳先詔而至

吏人畏伏男女相賀又云時前相國彭城公劉尙書晏

統東方諸侯平其貢稅聞而悅之白三事以聞詔書褒

異焉彭城公宣命至江南捧詔授公

文苑英華七百七十九 文粹二十一

源休

又主中補

新表源氏戶部侍郎光譽子

見度中舊傳誤光輿休不

詳歷官

舊傳累授監察御史殿中侍御史青苗使判

官遷虞部員外郎出為潭州刺史入為主客郎中遷給

事中

崔漪

見吏中作猗又主外

褚長孺

見勳外補又詞外

許鳴謙

舊許孟容傳父鳴謙京兆長安人究通易象官

至撫州刺史贈禮部尚書 舊裴胄傳浙西觀察判官

許鴻

鳴謙有學識觀察使李栖筠嘗異席事多咨之

新傳李栖筠觀察浙西判官許鳴謙名知人

王礎 新表烏丸王氏懷州刺史崙子

見左

楚黔中觀察

使 舊王璠傳父礎進士文辭知名

璠見

孫汝聽韓

集全解礎大厯七年中第

五百家註音辯呂黎先生文集十七

韓愈與

祠部陸員外書往者陸相公司貢士梁補闕肅王郎中

礎佐之梁舉八人無有失者其餘則王皆與謀焉

呂黎

集十七 孫曰正 元八年陸費知舉

撫言

入陸忠州榜時梁補闕肅王

郎中礎佐之故忠州之得人皆烜赫

舊德宗紀

下貞

元十一年正月乙未以祕書少監王礎為黔中經畧觀

察使十五年六月己卯黔中觀察使御史中丞王礎卒

七月丁未以王礎卒

本影宋

廢朝一日觀察使卒廢朝自

礎始也

權載之文集

六十

唐故長安主簿李君

少墓

誌銘王黔中礎持節廉問表為推官

又

三十

送李十

兄判官赴黔中序予內兄受署於中執法王君王君之

馨香望實且處清近久矣惟天愛人授茲一方

裴乾貞

見封

夏侯審

又主

新書

文藝

盧綸傳夏侯審等能詩號大厓

十才子審終侍御史

唐會要

七十

建中元年軍謀越

眾科夏侯審及第

同緯畧

錢考功集

五

送夏侯審校書

東歸詩

鄭膺甫

又主中補主外補又御史臺碑額監察題名

新表鄭氏北祖房太子

舍人慈明子膺甫楚州刺史

舊鄭餘慶

見左傳弟膺

甫官至主客員外郎郎中楚懷鄭三州刺史嚴州重

修圖經

刺史題名

鄭膺甫元和四年三月二十五日自度支

郎中拜

張正甫

見左外戶中

封外戶外

舊傳自司封員外郎遷戶部郎

中

高弘簡

又金中又御史臺陰額知雜御史題名

舊高元裕傳開成四年御

史中丞高元裕上言侍御史高宏簡等以不稱出爲府

縣之職新傳御史官屬不稱職者侍御史高弘簡等



並奪職 崔嘏授高弘簡司門員外郎判度支案制弘  
正上言以爾嘗居憲署亦領郡符通於吏術專傳儒業

云云

文苑英華三百九十二

崔公信

唐詩紀事

五十

公信登元和元年進士第張洪

靖帥太原辟爲掌記後以李德裕代之以公信爲觀察

判官

又

太原觀察判官兼殿中侍御史崔公信和張

洪靖山亭懷古詩

李德裕掌書記廳壁記丙申歲丞

相高平公次用殿中侍御史崔君爲主記德裕獲接崔

君之後

李文饒別集七

王長文

新表琅邪王氏膳部員外郎黃州刺史濡子沂

海觀察使遂弟見主長文禮賓使 唐會要三十元初

十三年八月鳳翔節度使鄭餘慶等詳定格後敕三十

卷著作郎王長文等同修上詳吏中陳諷註

裴謂見戶

令狐定 新表令狐氏太原府功曹參軍承簡子定字履

常桂管觀察使 舊傳元和十一年進士及第累辟使

府大和九年累遷至職方員外郎宏文館直學士檢校

右散騎常侍桂州刺史桂管都防禦觀察等使新傳畧同

王孟堅 新表烏丸王氏憲宗文宗相涯子見吏孟堅工

部郎中集賢院學士 舊王涯傳大和九年十一月誅

涯子工部郎中集賢殿學士孟堅

新傳同

杜寶符 呂溫故河中節度使檢校司空平章事杜公夫

人李氏墓誌銘有子五人次曰寶符前河南府參軍

元和

三年 呂衡州文集七 案新表杜公名黃裳失載寶符名

苗愔

見戶中

李敬方

見戶中又金外

薛褒

見左外

蕭憲

新表蕭氏齊梁房瑀孫憲亳州刺史 唐會要十六

太極元年二月十八日加國子司業一員以蕭憲為

之 睿宗遣宣勞使詣宜以太子右諭德蕭憲為山南

道宣勞使

詳臆中蕭媛注

唐語林

七蕭中丞

憲典杭

杜陟

新表襄陽杜氏濟子

見戶中

陟不詳歷官

又濮陽

杜氏同官令殷子陟字子遷

唐才子傳

七

太和五年

杜陟榜進士李遠

咸淳臨安志

七

元和初郡守杜陟

請慧琳至永福寺登壇

馮衮

舊馮定傳子衮

見封中

軒巖

見戶中

四人皆進士登

第咸通中歷任臺省

盧氏雜說曰馮宿從子衮爲給

事中宅南有山亭

長安志八

崔罕

又御史臺陰頡知雜御史題名

東觀奏記

中

河南府奏薦少尹裴

處權賜緋給事中崔罕駁還

詳封中補非處權注

楊師復

新表楊氏越公房於陵子

見吏中

紹復弟

見封師外

復不詳歷官

舊於陵傳子師復位終大理卿

新於陵專師復

大理

李朔石僕射楊公墓誌師復未仕用文為業

李文公集

十四

唐會要

十

大中五年武昌軍節度使韋損

見倉外

門

吏右司員外郎楊師復

張權

全唐文

七百二十一

張權憲宗時人代定州張定公賀

老人星見表

舊抄文苑英華五

關中金石記

四

華嶽廟

張權題名大中五年八月刻正書

又大中口口年四

月刻行書

任憲

見勳中

又祠外

薛干

無考祠外任憲後有薛  
泝此干字疑卽泝字

崔鐔

新表博陵安平崔氏連州刺史簡子鐔字一用

趙璘

見金中  
又祠外

李平

新表蔡王房正白子平不詳歷官 舊顏真卿傳

安祿山反獨平原城守使司兵參軍李平馳奏之

新傳同

新封常  
清傳同

李華台州乾元國清寺碑耆壽徐君讚錄事

徐知古等請於盈川縣令隴西李公平又云縣令李公

宗室大儒政之善者

文苑英華八百五十  
九 台州當作衢州

竇璠

見倉  
外

李近仁

新表趙郡李氏東祖房曹州刺史續子

見吏近  
外

仁汝州刺史

林滋 見金中

高幹 無考

張无逸 見左中 金外 戶

裴澈 趙作微 戶外 澈非此人

深源相僖宗 舊僖宗紀廣明元年十二月甲申以戶

部侍郎翰林學士裴澈本官同中書門下平章事 新表翰林

學士戶部侍郎裴澈為工部 新表中和元年二月澈

兼禮部尚書四月戊寅澈為門下侍郎兼兵部尚書十

一月澈罷為檢校兵部尚書鄆岳觀察使三年七月檢

校兵部尚書判度支裴澈爲中書侍郎同中書門下平  
章事四年十月澈加尚書右僕射光啟元年三月澈爲  
尚書左僕射舊僖宗紀光啟二年五月襄王僭位以  
裴澈爲門下侍郎右僕射同平章事判度支十二月奉  
襄王奔河中王重榮械裴澈等於獄三年三月河中械  
送僞宰相裴澈等命斬之於岐山縣新表三月癸未澈伏誅

李羽舊懿宗紀咸通十年正月楊收黨李羽等長流舊楊

收傳

雲臺編

下有題

水部李羽員外招國里居詩

歸仁紹

舊歸融傳

見考外補

子仁紹登進士第咸通中至達

官

唐才子傳

八

司空圖咸通十年歸仁紹榜進士時



主司王凝 又九僖宗幸蜀中和二年禮部侍郎歸仁

紹放榜特勅賜秦韜玉進士及第令於二十四人內安

排編入春榜 資治通鑑唐紀六十九乾符四年十二月宋

威奏生擒尙君長等以獻招討副都監楊復光奏君長

等實降非威所擒詔侍御史歸仁紹等鞠之竟不能明

斬於狗脊嶺 玉泉子故相盧攜爲監察一有御史中

丞歸仁紹初上曰傳語攜出臺後攜入相三字一歸侍

郎請假攜卽除仁紹兵部尙書人情大洽一作皆太平

十七引

杜致美又金

薛廷珪授杜致美太常少卿楊拙庫部郎

中制右司郎中杜致美以吾上台實爾猶子深自抑損  
不求聞達隱几端居不言時事閉關却掃深味道腴苑

英華三百九十  
楊拙見戶外補

以下石本缺在下截漫漶中考出

楊釗

又度外 又御史臺陰下層又右側  
侍御兼殿中貳又陰額知雜題名

新表原武楊

氏宣州司士參軍珣子國忠相元宗 舊楊國忠傳本

名釗天寶初擢授監察御史驟遷檢校度支員外郎兼

侍御史遷度支郎中不期年兼領十五餘使轉給事中

兼御史中丞專判度支事

會要

五十

天寶四載十一

月度支郎中楊釗充諸道鑄泉使 天寶六載十一月

度支郎中楊釗充祠祭使

盧會昌又會中補新表盧氏魏令淑子會昌倉部郎中舊

李抱真傳貞元十年李抱真卒子緘營田副使盧會昌

潛與謀掌軍事會昌仍詐爲表請以職事付緘後歸罪

元仲經會昌得不坐新傳關河南府奏論驛馬表又

盧會昌到日臣謹依詔旨差人領送上都文苑英華六百二十四

元友直又度外補元和姓纂二十容府經略兼中丞元結生

友直爲京兆少府太原人會要七十建中元年賢良

方正能直言極諫科元友直及第緯畧文苑英華八百

十有元友直省試小苑春望宮池柳色詩唐詩紀事三十六繫逢登

大曆十二年進士第則  
友直當卽是年進士也

資治通鑑

唐紀四

貞元三年

七月以度支員外郎元友直爲河南江淮南句勘兩稅

錢帛使

又

四十四年二月元友直運淮南錢帛二十

萬至長安李泌悉輸之大盈庫又云元友直句檢諸道

稅外物悉輸戶部

顧況左僕射韓滉行狀關中初復

抗表請獻軍糧二十萬斛從本道直至渭橋公命判官

元友直草創運務部勒超程

文苑英華九  
百七十三

新顧少連

傳少連挺笏將擊裴延齡元友直在座勸解之元次

山文集

三

將牛何處去詩直者伴我耕

自注直者漫  
叟長子也

李諒

又倉中  
祠外

新宗室表道王房道王元慶子諒南康郡

公 宰相表趙郡李氏東祖房左補闕審度子諒不詳

歷官 唐詩紀事四十李諒字復言後爲京兆尹 白

居易李諒除泗州刺史兼團練使當道兵馬留後兼侍

御史賜紫金魚袋張愉可岳州刺史同制署諒自澄城

長訖尙書郎中間又再爲州牧三宰劇縣故命諒守泗

仍以戎職留事憲簡章綬一加於諒白氏文集五十又李諒

授壽州刺史薛公幹授泗州刺史制前命諒爲泗守末

卽路會壽守植卒因改諒守壽又云諒無忘澄城之理

同上 姑蘇志二 李諒長慶四年自泗州刺史以御史中

丞徙任蘇州刺史 舊文宗紀上 太和三年六月戊戌

以大理卿李諒爲京兆尹 又下四年七月以京兆尹

李諒爲桂管觀察使 又五年二月丙申以桂管觀察

使李諒爲嶺南節度使 七年三月己亥嶺南節度使

李諒卒 湖南祁陽縣石刻李諒湘中紀行詩末題太

和四年十月廿五日口管都防禦觀察處置等使桂州

刺史兼御史大夫李諒過此偶題 元稹孤山永福寺

石壁法華經記凡輸錢於經貴者有若御史中丞蘇州

刺史李諒唐文粹七十六 集本作李久 據記則李諒

中丞任分爲 二人似誤 嚴州重修圖經刺史李諒開元二十

二年十月九日自領軍衛將軍拜 新王播傳京兆尹

自李諒後政條隳毀姦豪寢不戢

裴倩

見勳中補  
又度外補

新傳歷信州刺史代第五琦爲度支郎

中卒

權德輿裴公神道碑銘歷信饒二州刺史復徵

爲度支郎中代故相第五琦專判度支事大厯七年終

常袞授裴倩度支郎中制勅朝議大夫前守饒州刺

史嗣正平縣開國男賜紫金魚袋裴倩達識含精長材

致遠求變向晦金璞自明當劇居難干將獨制周歷臺

閣綢繆藩鎮休聲異政亦克有終底慎材賦之殷校計

軍國

一作需

之用得專其任爰舉舊章佇爾發揮以之贍

濟可尙書度支郎中散官封賜如故

文苑英華三  
百八十九

包信見戶中補

韋叔夏 舊儒學傳舉明經調露年累除太常博士授春  
官員外郎累遷成均司業 新表韋氏郎公房成州刺  
史琬子叔夏禮部侍郎

許康佐 舊儒林傳下康佐登進士第又登宏詞科遷侍  
御史轉職方員外郎累遷至駕部郎中充翰林侍講學  
士仍賜金紫歷諫議大夫中書舍人皆在內庭 丁居  
晦重修承旨學士壁記許康佐大和元年四月二十三  
日自度支郎中改駕部郎中充侍講學士

補遺



韋雲平 新表韋氏彭城公房淹子司農卿益州行臺僕

射雲起弟雲平度支郎中

姓纂同案雲平疑卽慶儉

趙宏安 元和姓纂三十後周有趙肅生軌軌生宏智唐

黃門侍郎兄宏安度支郎中新安人稱自天水徙焉

舊孝友趙宏智傳事兄宏安同於事父所得俸祿皆送於

兄處 舊寶軌傳益州行臺郎中趙宏安知名士也

崔仁師 又度外新表博陵安平崔氏昂子仁師相太宗高

宗 舊傳武德初應制舉貞觀初再遷殿中侍御史後

爲度支郎中嘗奏度支財物數千言手不執本十六年

遷給事中

新傳畧同

韋惲

見戶外又金外

元和姓纂

八徵

韋氏大雍州房韋惲度支郎

中京兆杜陵人

狄仁傑

新表狄氏越州刺史知遜子仁傑字懷英相武

后

舊傳以明經舉儀鳳中自侍御史加朝散大夫累

遷度支郎中高宗將幸汾陽宮以爲知頓使俄轉靈州

刺史

會要

二十

調露元年九月七日幸并州以度支

郎中狄仁傑爲知頓使

李憐

新表趙郡李氏東祖房夏津令知本子憐度支郎

中

韋玄泰

新表韋氏南皮公房元遜子元泰度支郎中陝

州刺史姓纂同

柳明肅 新表柳氏職方員外郎寶積子明肅度支郎中

新武后紀載初元年六月戊申殺汴州刺史柳明肅

崔玄之 新表許州陽陵崔氏知久子齊之弟見左中補玄之

度支郎中

尹正義 元和姓纂十七尹朗生正義度支郎中宋州刺

史河間人 權德輿唐故成德軍節度營田副使正義

大夫趙州別駕贈壽州都督河間尹府君錄神道碑銘

都督之禍曰本古仕至常州武進尉武進之父曰正義

歷許相宋三州刺史司農少卿司農之父曰良終滄州

司馬

權文公集十八

唐會稽太守題名記尹正義景龍三年

六月自宋州刺史授其年便除相州刺史

會稽英總集十八嘉泰

志同

朝野僉載前尹正義爲澤州

疑

都督公平後王熊

來替百姓歌曰前得尹佛子

太平廣記二百六十

宋庭瑜

又倉中倉外

新表廣平宋氏襄陽尉守慎子戶部員

外郎庭璈弟

見戶部補

庭瑜司農少卿

元和姓纂庭瑜度支郎中司農少卿

舊書

列女

宋庭瑜妻魏氏傳先天中庭瑜自司農少卿左

遷涪州別駕開元中累遷慶州都督尋轉廣州都督道

病卒新武平一傳中宗宴兩儀殿酒酣胡人襪子何

懿等唱合生歌言淺穢因倨肆欲奪司農少卿宋庭瑜

賜魚

賀拔延嗣

元和姓纂

三十

唐右監門將軍賀拔儼孫延

嗣度支郎中右金吾將軍河南洛陽人

會要

七十景

雲二年四月賀拔延嗣除涼州都督充河西節度使自

此始有節度之號

韓朝宗

見勳中

王維大唐吳興郡別駕前荊州大都督

府長史山南東道採訪使京兆尹韓公墓誌銘拜監察

御史兵部員外郎轉度支郎中除給事中

新傳失載

董琬

見戶

元和姓纂

董

董琬度支郎中晉陵太守江南

東道採訪使匡城人

韋仲昌

又御史臺殿中監察題名

新表韋氏龍門公房曾子仲昌京

兆少尹

第五琦

又金中

新表第五氏唐有第五華弟琦相肅宗

傳新

字禹珪

新傳自司虞員外郎河南等五道支度使遷司

金郎中兼侍御史諸道鹽鐵鑄錢使鹽鐵名使自琦始

進度支郎中兼御史中丞當軍興隨事趣辦人不益賦

而用以饒遷戶部侍郎

舊傳失載

會要

五十

乾元元年第

五琦除度支郎中河南五道度支使

又度支郎中第

五琦充兩京司農太府出納使

又

八十

乾元元年三

月第五琦充諸色轉運使

又

八十

第五琦充諸道鹽

鐵使

元載

又祠外

元和姓纂

二十元

大厯中書侍郎平章事潁川

公元載扶風岐山人

新表元載本景氏故不著

舊傳拜祠部員外

郎遷洪州刺史兩京平入爲度支郎中充使江淮都領

漕輓之任尋加御史中丞

新傳器同

賈至授元載豫章防

禦使制守職方員外郎元載可豫章太守

文苑英華四百九制云干

戈始寧安人是切當是兩京始復時也

劉晏

新表南華劉氏武功丞知晦子暹弟

見戶

晏字士

安相肅宗代宗

新傳再遷侍御史祿山亂避地襄陽

拜度支郎中兼侍御史領江淮租庸事吳郡採訪使李

希言假守餘杭召拜彭原太守徙隴華二州刺史

于頔

見戶中戶外

舊傳累授鳳翔少尹度支郎中兼御史中

丞轉運租庸糧料鹽鐵等使

杜寂

又膳中補

常袞授杜

集作源下同

寂職方郎中制勅朝議郎

守尚書度支郎中賜緋魚袋杜寂端一其誠周通於事

久於膳部頗有美才亦既詳達不忘恭慎掌我方志宜

從序遷可守尚書職方郎中散官賜如故

文苑英華三百九十

書馮定傳長慶中源寂使新羅則是穆宗時人集誤

蘇弁

又倉中

元和姓纂

十一模

工部侍郎蘇弁狀云與良嗣

見封中

同房

舊儒學傳

下

弁字元容京兆武功人舉進



士累轉倉部郎中仍判度支案裴延齡卒德宗聞其才  
特開延英面賜金紫授度支郎中副知度支事仍命立  
於正郎之首副知之號自并始也遷戶部侍郎新傳同

舊德宗紀下貞元十三年二月乙亥度支郎中蘇弁爲

戶部侍郎判度支會要五十貞元十二年九月蘇弁

除度支郎中兼御史中丞副知度支又貞元十二年

九月以倉部郎中判度支案蘇弁授度支郎中副知度

支事仍命立於正郎之首有副知之號自并始也又

三貞元十二年十二月度支郎中兼御史中丞副知度

支蘇弁奉勅改造三殿前會慶亭

于頔

又戶中  
附存

新表于氏泗州司馬饒子頔戶部侍郎判

度支

舊德宗紀

下

貞元十四年五月丙午上特召度

支郎中于頔於延英兼御史中丞賜金紫令判度支

十五年三月丁巳以度支郎中兼御史中丞于頔爲戶

部侍郎依前判度支十六年九月庚戌貶戶部侍郎

判度支于頔爲泉州司戶舊鄭餘慶傳與度支使于

頔素善每奏事皆議可之未幾頔以罪貶權德輿大

唐金紫光祿大夫守司空同中書門下平章事充太微

宮使上柱國燕國公于公先廟碑銘序冢子頔貞幹強

敏程功賦職歷戶部侍郎以公事貶泉州司戶贈楚州

刺史

權載之文集十二

韓泰

新表赭陽韓氏萬州刺史某子泰字安平刑部郎

中

姓纂駕部郎中韓協生泰祠部郎中

舊附王叔文傳貞元中累遷至

戶部郎中王叔文用爲范希朝神策行營節度行軍司

馬貶虔州司馬量移漳州刺史遷郴州

新傳畧同云終湖州刺史

順宗實錄

三

永貞元年五月甲戌以度支郎中韓泰守

兵部郎中兼中丞充左右神策京西都柵行營兵馬節

度行軍司馬賜紫乙亥追改爲檢校兵部郎中職如故

昌黎先生外集八

新孟簡傳元和中韓泰復刺史諫議大夫

孟簡固爭詣延英言不可狀

嚴州重修圖經

刺史韓題名

泰長慶四年六月二十五日自彬州刺史拜 吳興志

韓泰太和元年七月三日自睦州刺史拜遷常州刺史

柳宗元祭李中丞文維貞元二十年歲次甲申五月

二十二日故吏承奉郎守監察御史韓泰

河東先生集四十

敬寬 新表敬氏御史大夫括子寬太子詹事 舊憲宗

紀 上 元和元年二月乙未朔以度支郎中敬寬爲山劍

行營糧料使

李素 又度外 韓愈唐故河南少尹李公墓誌銘遷殿中侍

御史由度支員外郎選令萬年改度支郎中衢州饑擇

刺史遂刺衢州至一月遷蘇州 昌黎先生集二十五 舊李錡傳

憲宗時李錡稱兵時蘇州刺史李素為鎮將姚志安所  
繫釘於船舷生致於錡未至錡敗得免新傳 大唐傳

載李河南素替杜公兼

崔光

會要

三十

元和二年七月詔度支郎中崔光等刪

定開元格後勅

董溪

又度外  
倉中

新表董氏晉子

見勳

溪商州刺史

元和姓  
纂略倉

部郎

韓愈唐故朝散大夫商州刺史除名徙封州董

府君墓誌銘十九歲明兩經獲第有司自京兆府司錄

參軍拜尚書度支員外郎遷倉部郎中萬年令兵誅恒

州改度支郎中攝御史中丞為糧料使兵罷遷商州刺

史

昌黎先生集二十九

新傳字惟深擢明經三遷萬年令討王

承宗擢度支郎中爲東道行營糧料使

張仲方

又倉外

新表始興張氏朔方行軍司馬檢校戶部

郎中抗子仲方字靖之秘書監曲江成伯舊傳貞元

中進士擢第宏辭登科自邠州刺史入朝歷侍御史倉

部員外郎呂溫羊士諤誣告宰相李吉甫陰事二人俱

貶仲方坐呂溫貢舉門生出爲金州刺史吉甫卒入爲

度支郎中時太常定吉甫謚爲恭懿博士尉遲份請爲

敬憲仲方博議憲宗方用兵惡仲方深言其事怒甚貶

遂州司馬

新傳畧同

白居易唐故銀青光祿大夫秘書監

曲江縣開國伯贈禮部尚書范陽張公墓誌銘鄜坊節

度使辟爲判官奉授監察御史裏行俄而眞拜歷殿中

轉侍御史倉部員外郎金州刺史度支郎中駁宰相事

議出爲遂州司馬

白氏文集七十

東觀奏記上

太常諡李吉甫

甫曰簡度支郎中張仲方以德

疑

宗好用兵吉甫居輔

弼之任不得謂之簡貶開州司馬

舊附張九齡傳自

御史厯金州刺史入爲度支郎中駁李吉甫諡吉甫黨

惡之出爲遂州司馬

舊憲宗紀

下元和十二年三月

太常定李吉甫諡曰敬憲度支郎中張仲方非之上怒

貶遂州司馬

舊李吉甫傳有司諡吉甫曰敬憲及會

議度支郎中張仲方駁之以爲太優憲宗怒貶仲方新傳

韋弘景

見左中補吏外又封外附存

舊傳自左司郎中改吏部

度支郎中坐與張仲方善出爲綿州刺史 新傳累遷

度支郎中張仲方黜李吉甫謚得罪憲宗意弘景擢助

出爲綿州刺史

薛公幹 新表薛氏西祖房禮部侍郎據子見祠外公幹比

部郎中 韓愈國子助教河東薛君公墓誌銘弟京兆

府司錄公幹

呂黎先生集二十四考異曰或作殿中侍御史案石本同集本五百家註音辨本

同 舊憲宗紀下 元和十一年九月辛巳貶度支郎中



薛公幹房州刺史言與章貫之朋黨故也 白居易李

諒授壽州刺史薛公幹授泗州刺史制署公幹自尚書

郎連領二郡政平法一甚便於人加以有理戎之材可

付留事故輟軍保一作仍憲秩而兼寵之又公幹無替

毫城之政自氏文集五十

趙佶 新表南陽趙氏大理丞渾子佶兼監察御史 唐

會要八十元和十五年閏正月命度支郎中趙佶使淄

青衮海鄆曹濮蔡申光等州定兩稅

袁德師 舊憲宗紀上元和二年七月戊子錄配享功臣

之後袁恕己孫德師等相次敘用

盧商見封中

舊傳自工部員外郎河南縣令歷工部度支

司封三郎中大和九年改京兆少尹權大理卿事新傳十餘

遷至大理卿文宗簡計應修陵寢詔所修陵寢事至嚴重

簡計崇飾須得精實宜令度支郎中盧商將作少監韋

長同往諸陵子細簡計具合修與不合處聞奏大詔令

盧弘止見吏中補又金中

南部新書乙鄭滑盧弘正尙書題柳

泉驛云余自歙州刺史除度支郎中八月十七日午時

過永濟渡却自度支郎中除鄭州刺史亦以八月十七

日午時過永濟渡二傳失載

盧弘宣見吏中

張復魯 新表始興張氏陳許節度副使幼挺子復魯字

敦古度支郎中 杜牧唐故宣州觀察使御史大夫韋

公溫墓誌銘長女嫁南陽張復魯得進士第有名於時

爲試太常寺協律郎鄂岳觀察支使樊川文集八 舊韋溫

傳愛婿張復魯不詳歷官

劉濛見勳中 新傳累官度支郎中會昌初擢給事中

韋宙見吏中 新良吏傳宣宗時拜侍御史三遷度支郎

中盧鈞節度太原表爲副

薛能又吏中附存 唐詩紀事十六薛能字大拙汾州人會

昌六年進士大中八年書判入等補蓋屋尉辟太原陝

號河陽從事李福鎮滑州表觀察判官歷侍御史都官  
刑部員外郎福徙西川取爲節度副使咸通中攝嘉州  
刺史歸朝遷主客度支刑部郎中俄刺同州京兆尹溫  
璋貶命權知尹事出領感化節度入授工書復節度徐  
州徙忠武廣明元年徐兵赴澉水經許能以前帥徐軍  
吏懷恩館之州內許軍懼徐人見襲大將周岌因眾怒  
逐能自稱留後能全家遇害 舊懿宗紀咸通十一年  
十月以給事中薛能爲京兆尹 十二年正月葬衛國  
公主京兆尹薛能爲外監護 玉泉子路巖以薛能自  
尚書郎

廣記百八十  
八作省郎

權知

知廣  
記有

京兆府事李蟪之舉也

舊僖宗紀廣明元年九月許州大將周岌逐節度使薛能顏蕘顏上人集序蕘同年文人故許州節度使尙書薛公字大拙以文人不言其名擅詩名於天下無所與讓文苑英華七百十四新書文藝列傳序若薛能等其類尙多皆班班有文在人間史家逸其行事故弗得而述云新僖宗本紀廣明元年九月忠武軍將周岌殺其節度使薛能

孫奭

又倉中

新表武邑孫氏長洲令士傑子奭字化南度

支職方郎中

魚瞠

元和姓纂

九

唐將作丞魚叔攢生瞠度支郎中司

農少卿馮翊下邳人 石刻故銀青光祿大夫秘書監

兼昭文館學士侍讀上柱國常山縣開國公贈潤州刺

史馬公懷素墓誌銘長史魚承嘏特見器異舉孝廉引同

載入洛續古文苑十八 案馬懷素丹徒人承嘏蓋是潤州長史也

王沖之 新表京兆王氏倉部郎中德玄孫九功子沖之

度支郎中

辛道瓘 元和姓纂十七 工部郎中辛崇禮生道瓘度支

郎中隴西狄道人

附存

白行簡見膳中補主 唐詩紀事四十 行簡為度支郎

中寶祿二年卒 舊傳累遷司門員外郎主客郎中

新傳累遷主客員外郎代章詞判度支案進郎中當沿判度

支案因  
而致誤

李珣

見吏外 勳外  
補 禮外補

舊傳大和五年李宗閔牛僧孺爲

相珣自司勳員外郎知制誥改度支郎中知制誥遂入

翰林充學士七年三月正拜中書舍人 新傳牛僧孺

還相以司勳員外郎知制誥爲翰林學士加戶部侍郎

東觀奏記

上李宗閔爲相擢掌書命自吏部員外改

司勳員外庫部郎中文宗召充翰林學士

不云度中

重修

承旨學士壁記李珣大和五年九月十九日自庫部員

外郎知制誥充其月二十三日賜紫二十八日拜中書

舍人

案舊傳度支當從奏記壁記作庫部  
壁記員外郎當從舊傳奏記作郎中

歸安丁寶書編次

唐尚書省郎官石柱題名考卷十三 終 勞檢丁士諤校字